

www.BibleForChildren.org

उबजाणनी किताप 3



ने आदम असु वीच्यार्यु, ने अळी चु आपसी
बायरीन नाव हवा पाड्यु; काहाकी जी ते धरती
पर रहण्या आखा जीवतेला माणसेन माय
बणसे।



यहोवा भगवान जत्रा जंगली जानवर्या
बणावळु, तीनु आखाम सी घडसु कदर्यु हतलु,
ने चु तीनी बायर काजे कह्यु, "तुहं वाडीम
काहना बी झाडकान फळ घुण खाजु।" करीन
भगवान तुहंका छ्वाचलीन कहलु काय?



ची बायर घडसाक कय,
"वाडीन झाडकान फळ ते
हामु खाय सकजे। बाकुन
वाडीन ईचमां वाळा झाडकान
फळेन बारामां भगवान असु कहलु की,
तुहुं तीना झाडकान फळ ईतरोक बी
घुण खाजु। ने तीनाक छीमु बी घुण
करु, नीते तुहुं मर जासु।"



तत्पार घडसु तीनी
बायर काजे कह्यु, "तुहं
छाचलीन नी मरु! भगवान
काजे मालुम छे की, तीने
दाहडे तुहं ईना फळ काजे खासु,
तीनेत दाहडे तुंद्रा डुळा उघडी जासे,
ने तुहंंक भलायन ने कुहरायून
अक्कल जड जासे, ने भगवानेन
तसा बण जासु।"



कुहर्या घडसान वात सामळीन बायर तीना
झाडका भीणी देखी: ती तीनीक चो झाडको
बेसको वारु देखाये। तीनीक असो लाग्यो ईना
झाडकान फळ ते खाणे वाटे वारु सवादो लाग्से,
ने अक्कल जडसे करीन वारु रवसे। अळी ची
तीना झाडकान
फळ तुडीन खादी,
ने तेरा घरवाळक
बी देदी ने चु बी खादु।



तत्पार तीनु दुयु जणान डुळा उघडी गुया,
ने तीनुक मालुम पड्यो की, आपणु पुथल्या
पेहरला नी हय, ने चे अंजीर नावेन झाडकान
पान्टा तुडी तुडीन आपसा वाटे कुस्टी बणाय
लेदा।





तत्तयार यहोवा
भगवान आयडीन आदम काजे पुछ्यु,
"तु कां छे?" चु कह्यु, "वाडी मां तुसेक आवतेलु सामळीन मे बीहीन
डुकाय गुयलु, काहाकी मेसेक मालुम पड गुयलो की, मे पुथल्या नी
पेहरी र्यु।"





तत्पार भगवान

असु पुछ्यु, "तुसेक कुण कह्यो की,

तु पुथल्या पेहरलु नी हय? मे तुसेक तीना झाडकान फळ घुण खाजी कहलु, तीना झाडकान फळ तु खादलु काय?"



आदम असु कह्यु, तु हीनी बायर काजे बणायन। मार वाटे
लावलु चीत बायर तीनु झाडकान फळ खाणे करीन मेसेक आपी
ने मे खाय लेदु। तत्यार यहोवा भगवान मेसेक
असु कह्यु तु ज काय कर्यु? ची बायर असी कय
घडसु मेसेक ठगीन खावाड्यु ने मे खाय लेदी।





हेरेसी यहोवा भगवान तीनाक धुळाम सी
बणाव्लु, तीना धुळा मां खेती मां कमाय
करने करीन तीनाक अदन मुलुकेन वाड़ीम
सी बायर भेळु बाहर मकली देदु।





यहोवा भगवान तीनाक बाहर मकली देदु, ने
जीवाय्न् झाड़कान राखवाळी करने करीन अदन
मुलुकेन वाड़ी मां करुब टुळान आपसा बेसका
राखवाळ्या काजे ने झाड़कान
च्यारे-मेर फीरनी हळो-हळो धपतेली
तलवार काजे
मेल देदु।




जत्यार आदम आपसी बायर ह्वा साते सोवसार कर्यु, ती ची भारीस ह्य ने तेरु एक पुर्यु ह्यु, ने ची कय, "यहोवा भगवानेन मदत सी मारु एक पुर्यु ह्यु।" ने ची पुर्यान नाव केन पाडी।

अळी ह्वान एक दीसरु पुर्यु बी ह्यु, तेरो नाव हाबील पाड्या, ने चु गाडरा चारन्यु बण गुयु, बाकुन केन ते खेती मां

कमाय करनेवाळु कीरसान
बण गुयु।




थुड़ाक दाहड़ा हय जूया ने मेर काटणेन टेम आय ती केन आपसी मेरेम
सी थुड़ोक लीन यहोवा भगवान धड़े भेट चहड़ायु।
ने हाबील बी आपसा गाडरान पेहला पीला मायून
मातला पीला काजे मार्यु, ने तेरेम सी वारलु
काळजो, ने चरबी ने सीकार चड़ायु; ने यहोवा
भगवान हाबील काजे ने तेरा
भेट काजे मानी लेदु।



बाकुन भगवान केन काजे ने तेरी भेट काजे नी मान्यु। ततयार केन बेसकु रीसाय पड्यु, ने केनेन मुंहडो उतरी गुयो।



ततयार केन आपसा भाय हाबील काजे काय कह्यु; ने जतयार चे खयडा मां हतला ततयार केन आपसा भाय हाबील काजे उचकाणुन दीन मार नाख्यु।



तत्तयार यहोवा भगवान केन काजे पुछ्छ्यु, "तारु भायस हाबील कां छे?"
तत्तयार केन जपाप आप्यु, "काय जाणु?" काय मे मारा भायसेन
गुवाळी करो काय? तत्तयार केन यहोवा भगवानेन चां सी जात रयु, ने
नोद नावेन देस मां रवणे बाजी
गुयु, जो अदन मुलुकेन उगवणो हतलो।



आदम आपसी बायर हवा साते अळी सोवसार कर्यु, ने ची भारीस ह्य
गुय, ने तेरु एक अळी पुर्यु ह्यु, ने ची तेरो जो कयून नाव सेत पाड़ी
की, भगवान मेसे काजे हाबीलेन बदले एक
अवल्यात बी आप्यु, तीना हाबील
काजे केन मारीन नाख देद्लु।



सेत पयदा ह्य गुयु, ने अळी आदम आठ सोव साल लग जीवतेलु रह्यु,
ने तीनी टेमे तेरे साहरे तेरी बायरीन बेसका पुर्या पारी हया।
असु करीन आदम नव सोव तीस साल लग
जीवतेलु रह्यु तेरे पछेन चु मर गुयु।



यहोवा भगवान जो देख्यु की, धरती पर माणसेन पाप
बड गुयु, ने तींद्रा मन मां जु बी वीच्यार आवे,
चु वीच्यार कुहर्युत आवे।



तत्पार यहोवा भगवान वीच्यार कर्यु, "मे ईनुक नी
बणावतु ती वारु रवतो, ह्य मे तीनु माणसे काजे
बणावलु छे, तीनु माणसे काजे धरती पर सी सार
दीस, ने आखा जानवर्या ने घीसड़ायन चालन्या
जानवर्या, ने एकेक जीव काजे ने सरगेन
चिरला काजे सार दीसा।"



बाकुन तेवी भगवान काजे खुस करन्यु एक माणुस हतलु;
चु नुह बाबु हतलु। हेरेसी यहोवा भगवान नुह पर गीण-दया
बणीन रय। नुहान तीन पुर्या हतला,
सेम ने हाम ने येपेता।



काहाकी भगवान ईनी कळीन पापी माणसे काजे
अतरु परम कर्यु, की तेरु एकुत लाटेक्लु पुर्यु
मरने करीन आप देदु, ने जु कुय तेरे पर भुरसु
करे, चु खत्तम नी हवे बाकुन अमर जीवन
हात करसे।



रोमीयो 3:23 हेरेसी की आखान ने आखा पाप कर्या ने भगवानेन
सेक-सींगार सी छेटे ह्य गुया,

रोमीयो 6:23 काहाकी पापेन दाहड़की ते मरनु छे, बाकुन भगवानेन दानेन
वाटु आपणा मालीक ईसु मसी मां जलमेन जीवन छे।

ईब्रानीयो 9:27 जसों माणसे काजे एकुत कावा मरनु ने अळतेन तेरु
नीयाव हवणु जरुडी छे,

ईफीसीयो 2:8,9 काहाकी ईसु पर भुरसु करने सी तेरी गीण-दया सी पापेन
डंड सी आपणुक छुटकारु जड़लु छे। आपणु, जु छुटकारु आपणे जुरे हात नी
कर्या, बाकुन जु छुटकारु भगवान भीणी सी फुकट मांत आपलु दान छे। ने
क्य बी माणुस मटाय नी करनु चाहजे, करीन जु छुटकारु आपणा भला कामे
सी नी जड़्यु।



रोमीयो 10:9,10 की कदी तु तारा मुंहडा सी ईसु काजे मालीक जाणीन हुकारु भरे, ने आपणा मन सी भुरसु करे की भगवान ईसु काजे मरलाम सी जीवाइयु, ती तुसेक छाचलीन छुटकारु जइसे। काहाकी धरम वाटे मन सी भुरसु करनु पड़े, ने छुटकारा वाटे मुंहडा सी हुकारु भरनु पड़े।

युहन्ना 3:16,17 काहाकी भगवान ईनी कळीन पापी माणसे काजे अतरु परम कर्यु, की तेरु एकुत लाटेक्लु पुर्यु मरने करीन आप देदु, ने जु कुय तेरे पर भुरसु करे, चु खत्तम नी हवे बाकुन अमर जीवन हात करसे। भगवान आपसा पुर्या काजे ईनी कळी मां माणसेन नीयाव करीन डंड आप्णेन हुकुम आपजी करीन नी मकल्यु, बाकुन तेरेमां मकल्यु की कळी मायन माणसे हेरे साहरे छुटकारु हात करसे।

1 युहन्ना 5:11-13 ने ची गवाय जी छे, की भगवान हामुक जलमेन जीवाय आपलु छे, ने ज्य जीवाय हेरा पुर्या मां छे। तेरे धड़े पुर्यु छे, तेरे धड़े जीवन छे; ने जेरे धड़े भगवानेन पुर्यु नी हय, हेरे धड़े जीवन बी नी हय। मे तुहुंंक, जे भगवानेन पुर्यान नाव पर भुरसु करो, हेरसी लिख्यु की तुहुंं जाणु की जलमेन जीवन तुंदरु छे।



उबजाणनी किताप 3 – 6

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Bhilali Bible (bhi) ©The Word for the World International and
Bhilali Bhasha Samiti, Warvani, (M.P.) 2025.

<https://www.bible.com/bible/4054/GEN.1.BSP25>

©2026 Bible for Children, Inc.

www.M1914.org

www.bibleforchildren.org

